



孟浩然集卷第二

五言律詩

同曹三御史行泛湖歸越

秋入詩人興
巴歌和者稀
泛湖同旅泊
吟會是歸思
白簡徒推薦
滄洲已拂衣
杳冥雲海去
誰不羨鴻飛

遊景空寺蘭若

龍象經行處
山腰度石關
屢迷青嶂合
時愛綠蘿閑
宴息花林下
高談竹嶼間
寥寥隔塵



事疑是入鷄山

陪張丞相登嵩陽樓

獨步人何在嵩陽有故樓
歲寒問著舊行縣
擁諸侯決莽北彌望沮漳東
會流客中遇知已無復越鄉憂

武陵泛舟

武陵川路狹前棹入花林
莫測幽源裏仙家信幾深水迴青嶂合雲渡綠溪陰坐聽閑猿嘯彌清塵外心

與顏錢塘登樟亭望潮作

百里雷聲震鳴絃暫輟彈府中連騎出江上待潮觀照日秋雲迥浮天渤澥寬驚濤來似雪一坐凜生寒

大禹寺義公禪房

義公習禪寂結宇依空林戶外一峯秀堦前衆壑深夕陽連雨足空翠落庭陰看取蓮花淨方知不染心

尋白鶴崑張子容隱居

白鶴青巖半幽人有隱居階庭空水石林壑
罷樵漁歲月青松老風霜苦竹疎觀茲懷舊
業携策返吾廬

九日

九日未成旬重陽即此晨登高尋故事載酒
訪幽人落帽恣歡飲授衣同試新茱萸正可
佩折取寄情親

除夜樂城張少府宅

雲海訪甌閩風潮泊島濱如何歲除夜得見
故鄉親余是乘槎客君為失路人平生復能
幾一別十餘春

陪李待御謁聰上人

欣逢栢臺舊共謁聰公禪石室無人到繩牀
見虎眠陰崖常抱雪松澗為生泉出處雖云
異同權在法筵

舟中晚望

掛席東南望山水國遙舳艫爭利涉來往
任風潮問手今何適天台訪石橋坐看霞色

治
是赤城標

遊精思觀迴王白雲在後

出谷未亭午至家已夕暝迴瞻山下路但見
牛羊群樵子暗相失草蟲寒不聞衡門猶未
掩佇立待夫君

與諸子登峴山作

人事有代謝往來成古今江山留勝跡我輩
復登臨水落魚梁淺天寒夢澤深羊公碑尚
在讀罷淚沾襟

與薛司戶登樟亭驛樓

水樓一登望半出青林高帘幕英寮敞芳筵
下客叨山藏伯禹穴城壓伍胥濤今日觀溟
漲垂綸欲釣鰲

尋天台山

吾愛太一子食霞卧赤城欲尋華頂去不憚
惡溪名歇馬憑雲宿揚帆截海行高高翠微
裏遙見石梁橫

宿立公房

支遁初求道深公笑買山如何石巖趣自入
戶庭間苔澗春泉滿蘿軒夜月閑能令許玄
度吟卧不知還

尋陳逸人故居

人事一朝盡荒蕪三徑休始聞漳浦卧奄作
岱宗遊池水猶涵墨山雲已落秋今朝泉壑
裏何處覓藏舟

姚開府山池

主人新邸第相國舊池臺館是招賢闢樓因
教舞開軒車人已散簫管鳳初來今日龍山
下誰知文舉才

夏日浮舟過陳逸人別業

水亭涼氣多閑棹晚來過澗影見藤竹潭香
聞芰荷野童扶醉舞山鳥笑酣歌幽賞未云
徧煙光柰夕何

夏日辨玉法師茅齋

夏日茅齋裏無風坐亦涼竹林深笋櫬藤架
引稍長燕覓巢窠處蜂來造蜜房物華皆可

玩花藥四時芳

與張折衝遊耆闍寺

釋子彌天秀將軍武庫材橫行塞北盡獨步
漢南來貝葉傳金口山櫻作賦開因君振嘉
藻江楚氣雄哉

與白明府遊江

故人來自遠邑宰復初臨執手恨爲別同舟
無異心沿洄洲渚趣演漾絃歌音誰識躬耕
者年年梁甫吟

遊精思題觀主山房

誤入花原_處初憐竹逕深方知仙子宅未有
世人_多鶴過關砌飛猿嘯密林漸通玄妙
理深得坐忘心

美人分香

艷色本傾城分香更有情髻鬟垂欲解眉黛
拂能輕舞學平陽態歌翻子夜聲春風狹斜
道含笑待逢迎

尋梅道士張山人

彭澤先生柳山陰道士鵝我來從所好停策
夏陰多重以觀魚樂因之鼓枻歌崔徐迹未
朽千載揖清波

陪姚使君題惠上人房

帶雪梅初暖含煙柳尚青來窺童子偈得聽
法王經會理知無我觀空厭有形迷心應覺
悟客思不遑寧

晚春遠上人南亭

給園支遁隱虛寂養閒和春晚群木秀關關
黃鳥歌林棲居士竹池養右軍鵝炎月北窓
下清風期再過

人日登南陽驛門亭子懷漢川諸友
朝來登陟處不似艷陽時異縣殊風物羈懷
多所思剪花驚歲早看柳訝春遲未有南飛
鴈裁衣欲寄誰

遊鳳林寺西嶺

共喜年華好來遊水石間煙容開遠樹春色
滿幽山壺酒朋情洽琴歌野興閒莫愁歸路

瞑招月伴人還

梅道士水亭

傲吏非凡吏名流即道流
隱居不可見高論莫能酬
水接仙源近山藏鬼谷幽
再來迷處所花下問漁舟

臨洞庭

八月湖水平涵虛混太清
氣蒸雲夢澤波動岳陽城
欲濟無舟楫端居耻聖明
坐觀垂釣者徒有羨魚情

晚春

二月湖水清家家春鳥鳴
林花掃更落徑草踏還生
酒伴來相命樽開共解醒
當杯已入手歌妓莫停聲

陪獨孤使君同與蕭員外登萬山亭

萬山青嶂曲千騎使君遊
神女鳴環珮仙郎接獻酬
遍觀雲夢野自愛江城樓
何必東南守空傳沈隱侯

題融公蘭若

精舍買金開流泉
造砌迴芟荷薰講席松栢
映香臺
沙雨晴飛去
天花晝下來
談玄殊未
已歸騎夕陽催

秋登張明府海亭

海亭秋日望委曲
見江山染翰聊題壁
傾壺一解顏
歡逢彭澤令
歸賞故園間
予亦將琴史
栖遲共取閑

九日龍沙作寄劉大

龍沙豫章北
九日掛帆過
風俗因時見
湖山發興多
客中誰送酒
棹裏自成歌
歌竟乘流去
滔滔任夕波

贈道士參寥

蜀琴久不弄
玉匣細塵生
絲脆絃將斷
金徽色尚榮
知音徒自惜
聾俗本相輕
不遇鍾期聽
誰知鸞鳳聲

京還贈張維

拂衣志何去
高枕南山南
欲徇五斗祿
其如七不堪
早朝非晏起
束帶異抽簪
因向智者

說遊魚思舊潭

題李十四莊兼贈綦母校書

聞君息陰地東郭柳林間
左右瀍澗水門庭
緱氏山抱琴來取醉垂釣坐
乘閑歸客莫相待
緣源殊未還

寄趙正字

正字芸香閣幽人竹葉園
經過宛如昨歸卧
寂無喧高鳥能擇木
羝羊漫觸藩物情今已
見徒自欲無言

洞庭湖寄閻九

洞庭秋正闊余欲泛歸船
莫辯荆吳地唯餘
水共天渺瀰江樹没
合沓海湖連遲爾迴舟
艤相將濟巨川

和李侍御渡松滋江

南紀西江闊皇華御史雄
截流寧假楫掛席
自生風察采爭攀鷁魚龍亦避駉
坐聽白雪唱翻入棹歌中

秦中感秋寄上人

一丘常欲卧三涇苦無資北上非吾願東林
懷我師黃金燃桂盡壯志逐年衰日夕涼風
至聞蟬但益悲

重酬李少府見贈

養疾衡茅下由来浩氣真五行將禁火十步
任尋春致敬惟桑梓邀歡即主人還看後凋
色青翠有松筠

宿永嘉江寄山陰崔國輔少府

我行窮水國君使入京華相去日千里孤帆
天一涯卧聞海潮至起視江月斜借問同舟
客何時到永嘉

上巳洛中寄王九迥

卜洛成周地浮杯上巳筵鬪鷄寒食下走馬
射堂前垂柳金堤合平沙翠幙連不知王逸
少何處會群賢

聞裴侍御拙自襄州司戶除豫州司
戶因以投寄

故人荆府掾尚有栢臺威移職自樊沔芳聲

聞帝畿昔余卧林巷載酒訪柴扉松菊無君
賞鄉園懶欲歸

江上寄山陰崔國輔少府

春堤楊柳發憶與故人期草木本無意榮枯
自有時山陰定遠近江上日相思不及蘭亭
會空吟袂襖詩

送洗然弟進士舉

獻策金門去承懽綵服違以吾一日長念爾
聚星稀昏定須温席寒多未授衣桂枝如已

擢早逐鴈南飛

夜泊廬江聞故人在東林寺以詩寄
之

江路經廬阜松門入虎溪聞君尋寂樂清夜
宿招提石鏡山精怯禪林怖鴿棲一燈如悟
道為照客心迷

宿桐廬江寄廣陵舊遊

山暝聽猿愁滄江急夜流風鳴兩岸葉月照
一孤舟建德非吾土維揚憶舊遊還將兩行

淚遙寄海西頭

南還舟中寄袁大祝

公沂非便習風波
馱苦辛忽聞遷谷鳥來報
武陵春嶺北迴征棹
巴東問故人桃源何處
是遊子正迷津

東歸遇雨率爾貽謝南池

田家春事起了壯就東陂
殷殷雷聲作森森
雨足垂海虹晴始見河柳潤
初移予意在耕
鑿因君問土宜

行至汝墳寄盧徵君

行乏憇予駕依然見汝墳
洛川方罷雪嵩嶂
有殘雲曳曳半空裏
溶溶五色分聊題一時
興因寄盧徵君

寄天台道士

海上求仙客三山望幾時
焚香宿華頂裊露
採靈芝屢踐莓苔滑
將尋汗漫期倘因松子
去長與世人辭

和張丞相春朝對雪

迎氣當春立承恩喜雪來潤從河漢下花逼
艷陽開不覩豐年瑞安知燮理才散鹽如可
擬願糝和羹梅

和張明府登鹿門山

忽示登高作能寬旅寓情絃歌既多暇山水
思彌清草得風先動虹因雨後成謬承巴俚
和非敢應同聲

和張三自穰縣還途中遇雪

風吹沙海雪來作柳園春宛轉隨香騎輕盈
伴玉人歌疑郢中客態比洛川神今日南歸
楚雙飛似入秦

唐城館中早發寄楊使君

犯霜驅曉駕數里見唐城旅館歸心逼荒村
客思盈訪人留後信策蹇赴前程欲識離魂
斷長空聽鴈聲

斥江至武昌

家本洞湖上歲時歸思催客心徒欲速江路
苦遭迴殘凍因風解新梅變臘開行看武昌

柳髮鬢映樓臺

歲除夜會樂城張少府宅

疇昔通家好相知無間然續明催畫燭守歲
接長筵舊曲梅花唱新正栢酒傳客行隨處
樂不見度年年

自洛之越

遑遑三十載書劔兩無成山水尋吳越風塵
厭洛京扁舟泛湖海長揖謝公卿且樂杯中
物誰論世上名

途中晴

已失巴陵雨猶逢蜀坂泥天開斜景遍山出
晚雲低餘濕猶霑草殘流尚入谿今宵有明
月鄉思遠悽悽

歸至郢中

遠遊經海嶠返棹歸山阿日夕見喬木鄉園
在伐柯愁隨江路盡喜入郢門多左右看桑
土依然即匪他

蔡陽館

日暮馬行疾城荒人住稀聽歌疑近楚投館
忽如歸魯堰田疇廣章陵氣色微明朝拜嘉
慶須着老萊衣

他鄉七夕

他鄉逢七夕旅館益羈愁不見穿針婦空懷
故國樓緒風初減熱新月始登秋誰忍窺河
漢迢迢望斗牛

夜泊牛渚赴薛八船不及

星羅牛渚夕風退鷁舟遲浦寂常同宿煙波
忽間之榜歌空裏失船火望中疑明發泛湖
海茫茫何處期

曉入南山

瘴氣曉氛氳南山沒水雲鯤飛今始見鳥墮
舊來聞地接長沙近江從泊渚分賈生曾弔
屈子亦痛斯文

夜渡湘水

客行貪利涉夜裏渡湘川露氣聞香杜歌聲
識採蓮榜人投岸火漁子宿潭煙行侶時相

問潯陽何處邊

赴京途中遇雪

迢遞秦京道蒼茫歲暮天窮陰連晦朔積雪
滿山川落鴈迷沙渚飢鳥噪野田客愁空佇
立不見有人煙

落日望鄉

客行愁落日鄉思重相催况在他山外天寒
夕鳥來雪深迷郢路雲暗失陽臺可歎悽惶
子狂歌誰為媒

永嘉浦上館逢張八子容

逆旅相逢處江村日暮時衆山遙對酒孤嶼
共題詩解宇鄰蛟室人煙接島夷鄉關萬餘
里失路一相悲

宿武陵即事

川暗夕陽盡孤舟泊岸初嶺猿相叫嘯潭影
似空虛就枕滅明燭扣船聞夜漁鷄鳴問何
處人物是秦餘

同盧明府餞王郎中愿除義王府司

馬海園作

上國山河裂賢王邸第開故人分職去潘令
寵行來冠蓋趨梁苑江湘失楚材豫愁軒騎
動賓客散池臺

送子容赴舉

夕曛山照滅送客出柴門惆悵野中別殷勤
醉後言茂陵余偃息喬木爾飛翻無使谷風
誚須令友道存

送張參明經舉蕪向涇州覲省

十五彩衣年承歡慈母前孝廉因歲貢懷橘
向秦川四座推文舉中郎許仲宣泛舟江上
別誰不仰神仙

送張祥之房陵

我家南渡頭慣習野人舟日夕弄清淺林湍
逆上流鄢陵據形勝天地生豪酋君意在利
涉知音期暗投

送吳宣從軍

才有幕中畫而無塞上勳
漢兵將滅虜王粲

始從軍旌旆邊庭去山川地脉分平生一七
首感激贈夫君

送桓子之郢城過禮

聞君馳綵騎躡蹠指南荆為結潘楊好言過
鄢郢城標梅詩已贈羔鴈禮將行今夜神仙
女應來感夢情

留別王侍郎維

寂寂竟何事朝朝空自歸欲尋芳草去惜與
故人違當路誰相假知音世所稀祗應守寂

寞還掩故園扉

早春潤州送從弟還鄉

兄弟遊吳國庭闈戀楚關已多新歲感更餞
白眉還歸泛西江水離筵北固山鄉園欲有
贈梅柳看先攀

峴山餞房瑄崔宗之

貴賤平生隔軒車是日來青陽一觀止雲霧
豁然開祖道衣冠別分亭驛騎催方期九日
聚還待二星迴

送謝錄事之越

清旦江天迥涼風西北吹白雲向吳會征帆亦相隨想到耶溪日應探禹穴奇仙書倘相示余在北山陲

洛下送奚三還揚州

水國無邊際舟行共使風羨君從此去朝夕見鄉中予亦離家久南歸恨不同音書若有問江上會相逢

送告八從軍

男兒一片氣何必五車書好勇方過我才多便起余運籌將入幕卷拙就閑居正待功名遂從君繼兩踈

送元公之鄂渚尋觀主張驂鸞

桃花春水漲之子忽乘流峴首辭蛟浦江邊問鶴樓贈君青竹杖送爾白蘋洲應是神仙輩相期汗漫遊

送王五昆季省覲

公子戀庭闈勞歌涉海沂水乘舟楫去親望

老萊歸斜日催烏鳥清江照綠衣平生急難
意遙仰鶴鷁飛

送崔易

片玉來誇楚治中作主人江山增潤色詞賦
動陽春別館當虛敞離情任吐伸因聲兩京
舊誰念卧漳濱

送盧少府使入秦

楚關望秦國相去千里餘州縣勤王事山河
轉使車祖筵江上列離別恨前書願及芳年
賞嬌鶯二月初

送袁十嶺南尋第

早聞牛渚詠今日鶴鷁心羽翼嗟零落悲鳴
別故林蒼梧白雲遠煙水洞庭深萬里獨飛
去南風遲爾音

永嘉別張子容

舊國余歸楚新年子北征掛帆愁海路分手
戀朋情日夜故園意汀洲春草生何時一杯
酒重與李膺傾

京還別新豐諸官

吾道昧所適驅車還向東主人開舊館留客
醉新豐樹繞溫泉綠塵遮晚日紅拂衣從此
去高步躡華嵩

送袁大祝尉豫章

何幸遇休明觀光來上京相逢武陵客獨送
豫章行隨牒牽黃綬離群會墨州江南佳麗
地山水舊難名

都下送辛大之鄂歸

南國辛居士言旋歸舊林未逢調鼎用徒有
濟川心予亦忘機者田園在漢陰因君故鄉
去還寄式微吟

送席大

惜爾懷其寶迷邦倦客遊江山歷全楚河洛
越成周道路疲千里鄉園老一丘知君命不
偶同病亦同憂

送賈昇主簿之荆府

奉使推能者勤王不暫閑觀風隨按察乘騎

度荆關送別登何處開筵舊峴山征軒明日
遠空望郢門間

送王校書

導漾自嶠塚東流爲漢川維桑君有意解纜
我開筵雲雨從茲別林端意渺然尺書能不
悵時望鯉魚傳

浙江西上留別裴劉二少府

西上浙江西臨流恨解携千山疊成嶂萬水
瀉爲溪石淺流難泝藤長險易躋誰憐問津
客歲晏此中迷

廣陵別薛八

士有不得志悽悽吳楚間廣陵相遇罷彭蠡
泛舟還檣出江中樹波連海上山風帆明日
遠何處更追攀

臨渙裴明府席遇張十一房六

河縣柳林邊河橋晚泊船文叨才子會官喜
故人連笑語同今夕輕肥異往年晨風理歸
棹吳楚各依然

盧明府早秋宴張郎中海園即事
邑有絃歌宰翔鸞狎野鷗春言華省舊暫滯
海池遊鬱島葳深竹前溪對舞樓更聞書即
事雲物是高秋

同盧明府早秋宴張郎中海亭

側聽絃歌宰文書游夏徒故園欣賞竹爲邑
幸來蘇華省曾聯事仙舟復與俱欲知臨泛
久荷露漸成珠

崔明府宅夜觀妓

白日旣云暮朱顏亦已酡畫堂初點燭金幌
半垂羅長袖平陽曲新聲子夜歌從來慣留
客茲夕爲誰多

宴榮山人亭

甲第開金穴榮期樂自多櫪嘶支遁馬池養
右軍鵝竹引携琴入花邀載酒過山翁來取
醉時唱接籬歌

夏日宴衛明府宅

言避一時暑池亭五月開喜逢金馬客同飲

主人杯舞鶴乘軒至遊魚擁釣來座中殊未
已簫管莫相催

清明日宴梅道士房

林下愁春盡開帷覽物華忽逢青鳥使邀我
赤松家丹竈初開火仙桃正發花童顏若可
駐何惜醉流霞

宴張明府宅

瑞雪初盈尺寒宵始半更列筵邀酒伴刻燭
限詩成香炭金爐暖嬌絃玉指清醉來方欲

卧不覺曉雞鳴

一作厭厭不覺
醉歸路曉霞生

和賈主簿并九日登峴山

楚萬重陽日群公賞燕來共乘休沐暇同醉
菊花杯逸思高秋發歎情落景催國人咸寡
和遙愧洛陽才

宴張別駕新齋

世業傳珪組江城佐股肱高齋徵學問虛薄
濫先登講論陪諸子文章得舊朋士元多賞
激衰病恨無能

途中九日懷襄陽

去國已如昨倏然經杪秋峴山不可見風景
令人愁誰采籬下菊應閒池上樓宜城多美
酒歸與葛強遊

初出關林亭夜坐懷王大

向夕槐煙起蕊籠池館曛客中無偶坐關外
惜離群燭至螢光滅荷枯雨滴聞永懷蓬閣
友寂寞滯揚雲

歲除夜有懷

迢遞三巴路羈危萬里身亂山殘雪夜孤燭
異鄉人漸與骨肉遠轉於奴僕親那堪正飄
泊來日歲華新

傷峴山雲表觀主

少小學書劒秦吳多歲年歸來一登眺陵谷
尚依然豈意飡霞客忽隨朝露先因之問閭
里把臂幾人全

盈盈樓上女

夫婿久別離青樓空望歸粧成卷簾坐愁思

懶縫衣燕子家家入楊花處處飛空牀難獨
守誰爲解金徽

春怨

佳人能畫眉粧罷出簾帷照水空自愛折花
將遺誰春情多艷逸春意倍相思愁心極楊
柳一種亂如絲

閨情

一別隔炎涼君衣忘短長裁縫無處等以意
寸情量畏瘦疑傷窄防寒更厚裝半啼封累
了知欲寄誰將

寒夜

閨夕綺窓閉佳人罷縫衣理琴開寶匣就枕
卧重幃夜久燈花落熏籠香氣微錦衾重自
暖遮莫曉霜飛

過潛上人舊房

池上青蓮宇林間白馬泉故人成異物過客
獨潛然旣理新松塔還尋舊石筵平生竹如
意猶掛草堂邊

早寒有懷

木落鴈南渡北風江上寒我家襄水曲遙隔
楚雲端鄉淚客中盡孤帆天際看迷津欲有
問平海夕漫漫

閑園懷蘇子

林園雖少事幽獨自多違向夕開簾坐庭陰
葉落微鳥從煙樹宿螢傍水軒飛感念同懷
子京華去不歸

與老圃期種瓜

樵牧南山近林間北郭賒先人留素業老圃
作鄰家不種千株橘惟資五色瓜邵平能就
我開逕剪蓬麻

裴司士見訪

府僚能枉駕家醞復新開落日池上酌清風
松下來厨人且鷄黍稚子摘楊梅誰道山翁
醉猶能騎馬迴

題張野人園廬

與客園廬並微尚頗亦同耕釣方自逸壺觴

趣不空門無俗士
駕人有上皇風
何處先賢傳
惟稱龐德公

李少府與王九再來

弱歲早登龍
今來喜再逢
如何春月柳
猶憶歲寒松
煙火臨寒食
笙歌達曉鐘
誼誼鬪鷄道
行樂羨朋從

歲暮歸終南山

北闕休上書
南山歸弊廬
不才明主棄
多病故人踈
白髮催年老
青陽逼歲除
永懷愁不寐
松月夜窓虛

尋張五迴夜園作

聞就龐公隱
移居近洞湖
興來林是竹
歸卧谷名愚
掛席樵風便
開軒琴月孤
歲寒何用賞
霜落故園蕪

李氏園林卧疾

我愛陶潛趣
林園無俗情
春雷百卉折
寒食四鄰清
伏枕嗟公幹
歸田羨子平
年年白社客
空滯洛陽城

過故人莊

故人具雞黍邀我至田家
綠樹村邊合青山郭外斜
開筵面場圃把酒話桑麻
待至重陽日還來就菊花

張七及辛大見尋南亭醉作

山公能飲酒居士好彈箏
世外初交得林中契已并
納涼風颯至逃暑已將傾
便就南亭裏餘尊惜解醒

孟浩然集卷第二

孟浩然集卷第三

五言排律

西山尋辛諤

漾舟乘水便因訪故人居
落日清川裏誰言獨羨魚
石潭窺洞徹沙岸歷紆餘
竹嶼見垂釣茅齋聞讀書
款言忘景夕清興屬涼初
回也一瓢飲賢哉常晏如

冬至後過吳張二子檀溪別業

卜築依自然檀溪不更穿
園林二友接水竹

數家連直取南山對非關選地偏卜隣依孟
母共井讓王宣曾是歌三樂仍聞詠五篇草
堂時偃曝蘭柵日周旋外事情都遠中流性
所便閑垂太公釣興發子猷船余亦幽棲者
經過竊慕馬梅花殘臘日柳色半春天鳥泊
隨陽鴈魚藏縮項鱸停杯問山簡何似習池
邊

陪張丞相自松滋江東泊渚宮

故留下松滋登舟命檝師寧忘經濟日不憚
江寒時洗憤豈獨古濯纓良在茲政成人自
理機息鳥無疑雲物吟孤嶼江山辯四維晚
來風稍緊冬至日行遲獵響驚雲夢漁歌激
楚辭渚宮何處是川暝欲安之

陪盧明府泛舟迴峴山作

百里行春返清流逸興多鷁舟隨鴈泊江火
共星羅已救田家旱仍憂俗化訛文章推後
輩風雅激頽波高岸迷陵谷新聲滿棹歌猶
憐不調者白首未登科

陪張丞相祠紫蓋山途經玉泉詩

望秩宣王命齋心待漏行青襟列冑子從事
有參卿五馬尋歸路雙林指化城聞鐘度門
近照膽玉泉清皂蓋依林憇緇徒擁錫迎天
宮近兜率沙界豁迷明欲就終焉志恭聞智
者名人隨逝水嘆波逐覆舟傾想像若在眼
周流空復情謝公還欲卧誰與濟蒼生

臘月八日於剡縣石城寺禮拜

石壁開金像香山繞鐵圍下生彌勒見回向

一心歸竹栢禪庭古樓臺世界稀夕嵐增氣
色餘照發光輝講席邀談柄泉堂施浴衣願
承功德水從此濯塵機

同獨孤使君東齋作

郎官舊華省天子命分憂襄土歲頻旱隨車
雨再流雲陰自南楚河潤及東周廨宇宜新
霽田家賀有秋竹間殘照入池上夕陽浮寄
謝東陽守何如八詠樓

登龍興寺閣

閣道乘空出披軒遠日開
逶迤見江勢客至
屢緣迴茲郡何填委
遙山復幾哉蒼蒼皆草
木處處盡樓臺驟雨一
陽散行舟四海來鳥
歸餘興滿周覽更徘徊

登總持寺淨屠

半空躋寶塔晴望盡京華
竹遶渭川遍山連
上苑斜四門開帝宅千陌
俯人家累劫從初
地爲童憶聚沙一窺功德
見彌益道心加坐
覺諸天近空香送落花

與崔二十一遊鏡湖寄包賀二公

試覽鏡湖物中流見底清
不知鱸魚味但識
鷗鳥情帆得樵風送春
逢穀雨晴將探夏禹
穴稍背越王城府掾有
包子文章推賀生滄
浪醉後唱因子寄同聲

本閣黎新亭作

八解禪林秀三明給苑才
地偏香界遠心靜
水亭開傍險山查立尋
幽石逕迴瑞花長自
下靈藥豈須栽碧網交
紅樹清泉盡綠苔戲

魚聞法聚閑鳥誦經來棄象玄應悟忘言理
必該靜中何所得吟詠也徒哉

長安早春

關戍惟東漠城池起北辰咸歌太平日共樂
建寅春雪盡青山樹冰開黑水濱草迎金埒
馬花伴玉樓人鴻漸看無數鶯歌聽欲頻何
當桂枝擢歸及柳條新

秦中苦雨思歸贈袁左丞賀侍郎

為學三十載閉門江漢陰明敷逢聖代羈旅
屬秋霖豈直昏墊苦亦為權勢沉二毛催白
髮百鎰罄黃金淚憶峴山墮愁懷湘水深謝
公積憤懣莊舄空謠吟躍馬非吾事狎鷗真
我心寄言當路者去矣北山岑

陪張丞相登荊州城樓因寄蘇臺張使君及浪泊戍主劉家

薊門天北畔銅柱日南端出守聲彌遠投荒
法未寬側身聊倚望攜手莫同懽白壁無瑕
玷青松有歲寒府中丞相閣江上使君灘興

盡迴舟去方知行路難

荆門上張丞相

共理分荆國招賢媿楚材
召南風更闡丞相閣
還開靚止欣眉睫
沉淪拔草萊坐登徐孺榻
頻接李膺杯始慰蟬鳴柳
俄看雪間梅四時年籥盡
千里客程催日下瞻歸翼
沙邊厭曝鯁佇聞宣室召
星象復中台

和宋太史北樓新亭

返耕意未遂日夕登城隅
誰謂山林近坐爲符竹拘
屨譙非改作軒檻是
新圖遠水自嶠冢長雲吞
具區願隨江燕賀羞逐
府寮趨欲識狂歌者
丘園一豎儒

同張明府碧谿贈荅

別業聞新製同聲應者多
還看碧谿荅不羨綠珠歌
自有陽臺女朝朝拾翠過
舞筵鋪錦繡粧牖閉
藤蘿秋滿休閑日春餘
景色和仙鳧能作伴
羅襪共凌波別島尋花
藥迴潭折芰荷更憐斜
日照紅粉艷青娥

贈蕭少府

上德如流水安仁道若山聞君秉高節而得
奉清顏鴻漸昇台羽牛刀列下班處臆能不
潤居劇理常閑去詐人無諂除邪吏息姦欲
知清與潔明月在澄灣

同王九題就師山房

晚憇支公室故人逢右軍軒窓避炎暑翰墨
動新文竹蔽簷前日雨隨堦下雲同遊清蔭
徧吟卧夕陽曛江靜棹歌歇溪深樵語聞歸
途未忍去携手戀清芬

上張吏部

公門世緒昌才子冠裴王出自平津邸還爲
吏部郎神仙餘氣色列宿動輝光夜直南宮
靜朝趨北禁長時人窺水鏡明主賜衣裳翰
苑飛鸚鵡天池待鳳凰

和趙判官登萬山亭因贈韓都督

韓公美襄土日賞城西岑結構意不淺巖潭
趣亦深皇華一動詠荆國幾謳吟舊徑蘭勿

剪新堤柳欲陰砌傍餘恠石沙上有閒禽自
牧豫章郡空瞻楓樹林因聲寄流水善聽在
知音者舊眇不接崔徐無處尋物情多貴遠
賢俊豈無今遲爾長江暮澄清一洗心

夜泊宣城界

西塞沿江島南陵問驛樓潮平津濟闊風止
客帆收去去懷前浦茫茫泛夕流石逢羅刹
礙山泊敬亭幽火熾梅根冶煙迷楊葉洲離
家復水宿相伴賴沙鷗

下瀨石

瀨石三百里汭洄千嶂間沸聲常浩浩洑勢
亦潺湲跳沫魚龍沸垂藤猿狖攀傍人苦奔
山下忘險艱放溜情彌愜登艫目自閒暝
帆何處泊遙指落星灣

行至漢川作

異縣非吾土連山盡綠篁平田出郭少盤隴
入雲長萬壑歸於海千峯劃彼蒼猿聲亂楚
峽人語帶巴鄉石上攢椒樹藤間養蜜房雪

餘春未暖嵐解晝初陽征馬疲登頓歸帆愛
渺茫坐欣泐溜下信宿見扶桑

又滯洛中貽謝南池會稽賀少府

陳平無產業尼父倦東西負郭昔云鑿問津
今已迷未能忘魏闕空此滯秦稽四見夏雲
起再聞春鳥啼懷仙梅福市訪舊若耶溪聖
主賢為寶君何隱遁棲

送韓使君除洪州都督

述職撫荆衡分符襲寵榮往來看擁傳前後
賴專城勿剪棠猶在波澄水更清重推江漢
理旋改豫章行召父多遺愛羊公有令名衣
冠列祖道耆舊擁前旌峴首晨風送江陵夜
火迎無才慙孺子千里愧同聲

送莫氏外甥蕪諸昆弟從韓司馬入

西軍

念爾習詩禮未嘗離戶庭平生早偏露萬里
更飄零坐棄三冬業行觀八陣形飾裝辭故
里謀策赴邊庭壯志吞鴻鵠遙心伴鶴鷄所

從文與武不戰自應寧

峴山送蕭員外之荊州

峴山江岸曲郢水郭門前自古登臨處非今
獨黯然亭樓明落照井邑秀通川潤竹生幽
興林風入管絃再飛鵬激水一舉鶴冲天佇
立三荆使看君駟馬旋

送王昌齡之嶺南

洞庭去遠近楓葉早驚秋峴首羊公愛長沙
賈誼愁土風無縞紵鄉味有槎頭已抱沉疴
疾更貽魑魅憂數年同筆硯茲夕間衾裯意
氣今何在相思望斗牛

送朱去非遊巴東

峴山南郭外送別每登臨沙岸江村近松門
山寺深一言予有贈三峽爾將尋祖席宜城
酒征途雲夢林蹉跎遊子意眷戀故人心去
矣勿淹滯巴東猿夜吟

盧明府九日峴山宴袁使君張郎中

崔員外

宇宙誰開闢江山此鬱盤登臨千古用風俗
歲時觀地理荆州分天涯楚塞寬百城今刺
史華省舊郎官共美重陽節俱懷落帽歡酒
邀彭澤載琴輟武城彈獻壽先浮菊尋幽或
籍蘭煙虹鋪藻翰松竹掛衣冠叔子神如在
山公興未闌傳聞騎馬醉還向習池看

奉先張明府休沐還鄉海亭宴集

自君理畿甸予亦經江淮萬里書信斷數年
雲雨乖歸來休幹日始得賞心諧朱紱恩雖
重滄洲趣每懷樹低新舞閣山對舊書齋何
以發秋興陰虫鳴夜堦

宴張記室宅

甲第金張館門庭軒騎多家封漢陽郡文會
楚才過曲島浮觴酌前山入詠歌妓堂花映
發書閣柳逶迤玉指調箏柱金泥飾舞羅誰
知書劔者歲歲獨蹉跎

宴崔明府宅夜觀妓

畫堂觀妙妓長夜正留賓燭吐蓮花艷妝成

桃李春髻鬟低舞席衫袖掩歌唇汗濕偏宜
粉羅輕詎着身調移箏柱促歡會酒杯頻倘
使曹王見應嫌洛浦神

韓大使東齋會岳上人諸學士

郡守虛陳榻林間名楚材山川祈雨畢品物
喜晴開抗禮尊縫掖臨池揖渡杯徒攀朱仲
李誰薦和羨梅翰墨緣情製高深以意裁滄
洲趣不遠何必問蓬萊

初年樂城館中卧病懷歸

異縣天隅僻孤帆海畔過往來鄉信斷留滯
客情多臘日聞雷震東風感歲和蟄蟲驚戶
穴巢鵲貯庭柯徒對芳尊酒其如伏枕何歸
歟理舟楫江海正無波

期王山人陳七不至

接艇候明發花源弄晚春在山懷綺季臨漢
憶荀陳上巳期三月浮杯興十旬坐歌空有
待行樂恨無鄰日晚蘭亭客煙花曲水濱浴
蠶逢姹女采艾值幽人石壁堪題序沙場好

解紳群公望不至虛擲此芳辰

七言律詩

登安陽城樓

縣城南面漢江流江嶂開成南雍州才子乘
春來騁望群公暇日坐銷憂樓臺晚映青山
郭羅綺晴驕綠水洲向夕波搖明月動更疑
神女弄珠遊

登萬歲樓

萬歲樓頭望故鄉獨令鄉思更茫茫天寒鴈
度堪垂淚月落猿啼欲斷腸曲引古堤臨凍
浦斜分遠岸近枯楊今朝偶見同袍友卻喜
家書寄八行

除夜有懷

五更鍾漏欲相催四氣推遷往復迴帳裏殘
燈纔有焰爐中香氣盡成灰漸看春逼芙蓉
枕頓覺寒銷竹葉杯守歲家家應未卧相思
那得夢魂來

春情

青樓曉色珠簾映紅粉春粧寶鏡催已厭交
情憐枕席相將遊戲遶池臺坐時衣帶縈纖
草行即裙裾掃落梅更道明朝不當作相期
共鬪管絃來

五言絕句

楊子津望京口

北固臨京口夷山近海濱江風白浪起愁殺
渡頭人

北澗浮舟

北澗流恒滿浮舟觸處通公洄自有趣何必
五湖中

洛中訪袁拾遺不遇

洛陽訪才子江嶺作流人聞說梅花早何如
北地春

初下浙江舟中口號

八月觀濤罷三江越海潯迴瞻魏闕路空復
子牟心

尋菊潭主人不遇

行至菊花潭村西日已斜主人登高去雞犬
空在家

春曉

春眠不覺曉處處聞啼鳥夜來風雨聲花落
知多少

問舟子

向夕問舟子前程復幾多灣頭正堪泊淮裏
足風波

檀溪尋古

花半成龍竹池分躍馬溪田園人不見疑向
武陵迷

同張將薊門看燈

異俗非鄉俗新年改故年薊門看火樹疑是
燭龍然

峴山亭寄晉陵張少府

峴首風端急雲帆若鳥飛憑軒試一問張翰
欲來歸

醉後贈高四

四海重然諾吾嘗聞白眉秦城遊俠客相待
半酣時

口號贈王九

日暮田家遠山中勿久淹歸人須早去稚子
望陶潛

同儲十二洛陽道中

珠彈繁華子金羈遊俠人酒酣白日暮走馬
入紅塵

戲贈主人

客醉眠未起主人呼解醒已言鷄黍孰復道
甕頭清

宿建德江

移舟泊滄渚日暮客愁新野曠天低樹江清
月近人

送朱大入秦

遊人五陵去寶劍直千金分手脫相贈平生
一片心

送友之京

君登青雲去余望青山歸雲山從此別淚濕
薛蘿衣

張郎中梅園作

綺席鋪蘭杜珠盤折芰荷故園留不住應是
戀絃歌

七言絕句

過融上人蘭若

山頭禪室掛僧衣窓外無人溪鳥飛黃昏半
在下山路却聽泉聲戀翠微

涼州詞

渾成紫檀金屑文作得琵琶聲入雲胡地迢
迢三萬里那堪馬上送明君
異方之樂令人悲羌笛胡笳不用吹坐看今
夜關山月思殺邊城遊俠兒

濟江問同舟人

潮落江平未有風扁舟共濟與君同時時引
領望天末何處青山是越中

送張少府歸秦

試登秦嶺望秦川
遙憶青門春可憐
仲春送君從此去
他時須及邵平田

送杜十四之江南

荆吳相接水爲鄉
君去春江正淼茫
日暮征帆何處泊
天涯一望斷人腸

初秋

不覺初秋夜漸長
清風習習重淒涼
炎炎暑退茅齊靜
階下叢莎看露光

孟浩然集卷第三終



